



Þingskjal nr. 1

Flytjandi stjórn LH

Lagt fyrir _____

Eftir meðferð allsherjarnefndar Landsþings.

Tillaga

63. Landsþing Landssambands hestamannafélaga, haldið í Reykjavík 4.-5. nóvember 2022, samþykkir að gera eftirfarandi breytingar á lögum Landssambands hestamannafélaga.

[Skýringar: Rautt yfirstrikað fellur brott, grænt er nýr texti]

1.1 Skipulag-Almenn ákvæði

Um starfsemi LH, keppni á vegum LH eða aðildarsamtaka og önnur verkefni sem LH sinnir, gilda lög LH, reglugerðir og reglur settar með stoð í lögnum.

1.1.1 Nafn-heimili-aðild

Samtökin heita LANDSSAMBAND HESTAMANNAFÉLAGA skammstafað LH. Þau eru æðsti aðili innan Íþróttá- og Ólympíusambands Íslands (ÍSí) um alla þætti hestaíþróttá og málefni þeim tengdum.

Heimili og varnarþing samtakanna er í Reykjavík.

Öll félög innan ÍSí sem leggja stund á hestaíþróttir, þ.e. hestamannafélög eru aðilar að LH, með aðild að hlutaðeigandi héraðssambandi /íþróttabandalagi.

1.1.2 Tilgangur og markmið

LH er æðsti aðili hestaíþróttá á Íslandi. Auk hefðbundinnar keppni, æfinga og þjálfunar til líkamlegrar heilsuræktar, samanber lög ÍSí, er það í verkahring LH-hlutverk LH í meginatriðum:

- að stuðla að, styðja og efla hefðbundna almenna ástundum, keppni, æfingar og þjálfun hesta og líkamlega þjálfun, heilsurækt og menntun knapa þeirra í samræmi við lög þessi og lög ÍSí. Skal velferð hestsins ávallt höfð í forgrunni við alla almenna ástundun og í öllum hestaíþróttum;
- að hafa yfirstjórn mála sem varða hestaíþróttir;
- að vinna að eflingu hestaíþróttá í landinu;
- að sinna hagsmunamálum sem tengjast hestaíþróttum svo sem á sviði ræktunarmála, tamninga, samgöngu- og ferðamála, og landnýtinga- og umhverfismála;

Önnur markmið eru m.a.:

- að hafa yfirstjórn og vinna að eflingu hestamennsku m.a. með fræðslu, útbreiðslu- og kynningarstarfsemi;



- að vera málsvari hestamanna jafnt innanlands sem erlendis;
- að eiga samstarf við önnur samtök er sinna hagsmunamálum hestamanna, svo sem á sviði ræktunarmála, tamninga, samgöngumála, ferðamála, landnýtingar og umhverfismála á vegum ríkis og sveitarfélaga;
- að koma fram gagnvart opinberum aðilum;
- að vinna að stofnun nýrra sérráða og starfshópa;
- að sjá um að til staðar séu setja nauðsynlegar reglur um keppni í hestaíþróttum
- að halda utan um menntun, löggildingu, endurmenntun og úthlutun dómara;
- að ráðstafa landsmótum og staðfesta met;
- að vera fulltrúi hestaíþróttanna gagnvart erlendum aðilum og sjá um að reglur varðandi greinina séu í samræmi við alþjóðareglur þar sem það á við;

LH starfar að öllu leyti sjálfstætt og er hlutlaust varðandi stjórnsmál og trúarbrögð. LH skal gæta jafnræðis og jafnréttis. Skulu allir vera jafnir fyrir lögum og reglugerðum LH og njóta réttinda án tillits til kynferðis, kynhneigðar, trúarbragða, skoðana, þjóðernisuppruna, kynpáttar, litarháttar, efnahags, ætternis og stöðu að öðru leyti.

LH skal gæta samræmis við reglur og ákvarðanir ÍSÍ og FEIF. Lög, reglur og ákvarðanir LH eru bindandi fyrir alla félagsmenn LH, svo sem, keppendur, dómara, þjálfara, forystumenn og aðra þá sem starfa innan vébanda aðildarfélaga LH.

~~Nánari skilgreining um tilgang og markmið hljóti staðfestingu landsþings.~~

[ný grein]:

1.2 Aðild að samtökum

LH er aðili að:

- Íþróttá – og Ólympíusambandi Íslands (ÍSÍ)
- International Federation of Icelandic Horse Associations (FEIF)
- Fédération Équestre Internationale (FEI)

[ný grein]:

1.3 Aðild að LH

1.3.1 Réttur til aðildar

Öll félög innan ÍSÍ er iðka og keppa í hestaíþróttum eru aðilar að LH.

1.3.2 Réttindi og skyldur aðildarfélaga



Sérhvert aðildarfélag skal hafa rétt til þátttöku félagsmanna sinna í skipulögðum mótum á vegum LH, enda uppfylli það þátttökuskilyrði samkvæmt lögum þessum og reglugerðum LH.

Aðildarfélagi er skylt að virða lög, reglugerðir, reglur og ákvarðanir sem settar eru eða teknar af LH eða FEIF.

Hestamannafélagi, sem tekur þátt í mótum innan vébanda LH þar sem keppt er eftir reglum LH, ber að sjá til þess að keppendur, þjálfarar, starfsmenn og forystumenn innan vébanda félagsins virði lög, reglugerðir, reglur og ákvarðanir LH og FEIF. Hestamannafélagi, sem tekur þátt í mótum þar sem keppt er eftir reglum LH, er í hvívetna skylt að virða ákvarðanir stjórnar LH, nefnda LH og dómstóla innan íþróttahreyfingarinnar

[Málsgrein 7 færð fram og tengd málsgr. 3]

Sérhvert aðildarfélag skal bera ábyrgð á framkomu keppenda, forráðamanna og félagsmanna, auk stuðningsmanna sinna keppenda og allra þeirra sem hafa hlutverki að gegna á vegum þess vegna ámælisverðrar eða óásættanlegrar framkomu þessara aðila innan vébanda LH og getur sætt viðurlögum sem nánar er kveðið á um í lögum þessum og reglugerðum LH.

Aðildarfélag skal senda LH upplýsingar um stjórnir félaganna á hverjum tíma innan viku frá því að breyting á sér stað.

Aðildarfélagum er skylt að færa bókhald og semja ársreikning sbr. lög um bókhald og kröfur ÍSÍ

Aðildarfélag skuldbindur sig til að vinna að því að efla heilbrigðan íþróttanda, koma í veg fyrir lyfjamisnotkun, vinna gegn hvers konar mismunun á grundvelli trúarskoðana, kynferðis, kynhneigðar, stjórnmalaskoðana, þjóðernis eða af öðrum ástæðum.

Aðildarfélag skuldbindur sig til að vinna gegn ólöglegri veðmálastarfsemi og hagræðingu úrslita móta. Aðilum sem falla undir lög þessi og taka þátt í mótum þar sem keppt er eftir reglum LH er óheimilt að taka þátt í veðmálastarfsemi, með beinum eða óbeinum hætti, í tengslum við eigin keppni og eigin mót. Bann þetta tekur einnig til miðlunar upplýsinga í þeim tilgangi að hafa áhrif á veðmál og fela í sér fjárhagslegan ávinning.

1.4 Stjórnun [áður gr. 1.2]

1.2.1 Stjórnunaraðilar

~~Málefnum LANDSSAMBANDS HESTAMANNAFÉLAGA er stjórnað af:~~

- Landsþingi LH
- Stjórn LH

1.4.1 Stjórnkerfi LH og hlutverk:

- a. Landsþing LH fer með æðsta vald um málefni LH og setur lög þess.
- b. Stjórn LH fer með æðsta vald um málefni LH á milli landsþinga og setur reglugerðir/reglur og framfylgir þeim.
- c. Fastanefndir sem vinna samkvæmt lögum og reglum LH og vinna að þeim verkefnum sem undir þær heyra á hverjum tíma og til þeirra er vísað



- d. Nefndir sem stjórn er heimilt að skipa milli landsþinga um tímabundin og afmörkuð verkefni.

1.4.2 Landsþing [áður gr. 1.2.2]

Landsþing fer með æðsta vald í málefnum LH.

[áður 4. mgr. Gr. 1.2.2] Landsþingið skal haldið háð annað hvert ár í október- eða nóvembermánuði. Skal boða það bréflaga á sannanlegan hátt með minnst 8 vikna fyrirvara. Málefni sem sambandsaðilar óska að tekin verði fyrir á þinginu, skulu tilkynnt stjórn LH minnst 4 vikum fyrir þingið. Þá skal stjórn LH tilkynna sambandsaðilum dagskrá þingsins ásamt tillögum og lagabreytingum sem borist hafa í síðasta lagi 2 vikum fyrir þingið.

Þingið sitja fulltrúar frá hestamannafélögum í landinu.

Fulltrúafjöldi fer eftir félagatölu hvers hestamannafélags sem hér segir: Félög með færri en 75 félagsmenn fá einn fulltrúa, félög með 76-150 félagsmenn fá tvo fulltrúa, félög með 151-225 félagsmenn fá þrjá fulltrúa o.s.frv.

Aðeins sá sem er í hestamannafélagi er kjörgengur fulltrúi viðkomandi sérráðs aðildarfélags eða héraðssambands á landsþingi LH. Það er jafnframt skilyrði fyrir kjörgengi að viðkomandi hestamannafélag sé í skilum með gjöld til LH.

[áður 3. mgr. Gr. 1.4.3] Stjórn LH skipar kjörnefnd þriggja manna eigi síðar en 2 mánuðum fyrir landsþing hverju sinni. Kjörnefnd hefur það hlutverk að gera tillögur til landsþings um fulltrúa í sambandsstjórn, endurskoðanda, þingnefndir og formenn þingnefnda.

[áður 4. mgr. Gr. 1.4.3] Kjörnefnd skal gera tillögu til stjórnar LH um skipun kjörbréfanefndar eigi síðar en 2 vikum fyrir landsþing hverju sinni. Hlutverk kjörbréfanefndar er fyrst og fremst að fylgja eftir gr. 1.4.3 í lögum LH.

[Ný grein] Allir þingfulltrúar skulu hafa kjörbréf og hafa fulltrúar atkvæðisrétt samkvæmt kjörbréfum er þingið hefur samþykkt þau. Kjörbréf skulu send til aðildarfélaga þremur (3) vikum fyrir þing og skulu aðildarfélög skila inn kjörbréfum útfylltum til skrifstofu LH viku fyrir þing. Félögum er heimilt að skila kjörbréfum með rafrænum hætti.

[Ný grein] Reglur LH um íþróttakeppni (Í) og Almennar reglur um keppni (A) byggja á alþjóðareglum FEIF, sem LH er aðili að. Allar breytingartillögur á reglum LH um íþróttakeppni og Almennum reglum um keppni skulu skoðaðar sem ályktunartillögur til landsþings. Þær ályktunartillögur sem samþykktar eru á landsþingi, skulu bornar upp af fulltrúum LH á næsta reglulega ársþingi FEIF.

Allar breytingartillögur á keppnisreglum skulu berast keppnisnefnd LH og laganefnd LH hið minnsta 3 mánuðum fyrir upphaf landsþings eigi síðar en 1. september á landsþingsári. Tillögurnar skulu sendar skrifstofu LH sem aftur kemur þeim á viðkomandi nefndir og bókar móttökudag þeirra. Keppnisnefnd og laganefnd skulu fara yfir tillögurnar, kosti þeirra og galla og veita umsögn sína um þær, séu þær þingtækar. Skal sú umsögn fylgja tillögunum inn á landsþing. Við meðferð tillagnanna afla nefndirnar sér þeirra upplýsinga sem þarf, kalla til aðila og veita síðan vandaða umsögn um tillöguna.



Landsþingi skal stýrt eftir almennum þingsköpum.

Landsþing er lögmætt ef löglega hefur verið til þess boðað.

1.4.3 Atkvæðisréttur á landsþingi [áður gr. 1.2.3]

Á landsþinginu hafa fulltrúar einir atkvæðisrétt. Hver fulltrúi hefur aðeins eitt atkvæði.

Þegar langt eða dýrt er að sækja þingið eða annar fulltrúi veikist eða forfallast á síðustu stundu frá að sækja þingið, getur landsþingið heimilað að fulltrúi fari með fleiri en eitt atkvæði, en aðeins með atkvæði þess félags sem hann er fulltrúi fyrir. Þó gildir þessi undanþága ekki um fulltrúa þeirra félaga, sem eiga heima þar sem þingið er háð. Umboðið, sem jafnframt er beiðni til þingsins um að fulltrúi megi fara með fleiri en eitt atkvæði, verður að vera skriflegt og vera frá stjórn hlutaðeigandi sambandsaðila.

Enginn fulltrúi getur farið með fleiri en tvö atkvæði.

Fulltrúum er skylt að starfa með nefndum skv. nánari ákvörðun þingsins, en hafa einungis atkvæðisrétt í einni nefnd þingsins.

Auk kjörinna fulltrúa eiga rétt á þingsetu og hafa málfrelsi og tillögurétt:

- Stjórn LH, varastjórn, framkvæmdastjóri og endurskoðandi og skoðunarmenn
- Forseti og framkvæmdastjórn ÍSÍ
- Fulltrúi héraðssambanda/íþróttabandalaga
- Formaður/fulltrúi nefnda LH
- Formaður/fulltrúi GDLH og HÍDÍ
- Formaður/fulltrúi Járningamannafélag Íslands
- Formaður/fulltrúi Félags tanningamanna

Auk þess getur stjórn LH boðið öðrum aðilum þingsetu ef hún telur ástæðu til.

1.4.4 Dagskrá landsþings [áður gr. 1.2.4]

- Þingsetning
- Kosinn þingforseti, varaþingforseti, þingritari og varaþingritari.
- Kjör þingnefnda:
 - Fjárhagsnefnd (fimm menn)
 - Allsherjarnefnd (fimm menn)
 - Æskulýðsnefnd (fimm menn)
 - Keppnisnefnd (fimm menn)
 - Kynbótanefnd (fimm menn)
 - Ferða-og umhverfisnefnd (fimm menn)
 - Aðrar nefndir skv. ákvörðun þingsins.
- Lögð fram skýrsla stjórnar.
- Lagðir fram reikningar sambandsins til samþykktar. Skulu reikningarnir settir upp og endurskoðaðir af löggiltum endurskoðanda og áritaðir af skoðunarmönnum. Þá skal á landsþingi gerð grein fyrir rekstri fyrstu 8 - 9 mánuði ársins, sem er að líða.
- Gjaldkeri leggur fram fjárhagsáætlun til tveggja ára.
- Lagðar fram tillögur og mál sem borist hafa og lögð verða fyrir þingið, vísað til þingnefnda.



- **Þinghlé, þingnefndir starfa**
- Þingnefndir skila störfum, umræður **um framlögð mál** og atkvæðagreiðsla.
- Kosning stjórnar, varastjórnar og **tveggja-skoðunarmanna löggilts endurskoðanda.**
- Kosning fulltrúa á íþróttabing ÍSÍ, **eða borin fram tillaga um að vísa til stjórnar vali á fulltrúum á íþróttabing (með samþykki 4/5 þingfulltrúa)**
- Önnur mál.
- Þingfundargerð lesin og staðfest, eða þingforseta og riturum falin frágangur hennar.
- **Þingslit**

Skýrslu LH, sem stjórnin skal leggja fjölrítaða fyrir þingið svo og ágrip af fundargerðum þingsins, skal senda framkvæmdastjórn ÍSÍ og sambandsaðilum LH innan tveggja mánaða frá þingslitum.

1.4.5 Atkvæðagreiðsla

Einfaldur meirihluti ræður úrslitum nema um lagabreytingu sé að ræða; þá þarf 2/3 hluta atkvæða viðstaddra atkvæðisbærra fulltrúa.

Þingið getur með 2/3 hluta atkvæða leyft að taka fyrir mál sem komið hafa fram eftir að dagskrá þingsins var send sambandsaðilum.

1.4.6 Kosning stjórnar

[áður gr. 1.4.1] Kjörgengir í stjórn eru allir félagar í hestamannafélögum sem eru aðilar að LH. Tilkynning um framboð til embættis formanns eða til stjórnar LH skal berast kjörnefnd minnst hálfum mánuði fyrir landsþing LH. Sitjandi formaður, aðrir stjórnarmenn og varamenn skulu tilkynna kjörnefnd hvort þeir gefi kost á sér til áframhaldandi stjórnarstarfa, minnst fjórum vikum fyrir landsþing LH. Kjörnefnd er heimilt að samþykkja framboð sem koma fram síðar, enda hafi ekki komið fram nægur fjöldi frambjóðenda.

[ný málsgrein] **Frambjóðendur til embætta sem ekki hljóta kosningu geta á sama þingi gefið kost á sér til annarra embætta.**

[áður gr. 1.4.1] Til þess að ná kjöri sem formaður LH þarf meirihluta greiddra atkvæða. Náist ekki meirihluti við fyrstu kosningu skal kjósa á ný um þá tvo sem flest atkvæði hlutu. Ræður þá einfaldur meirihluti atkvæða.

[áður gr. 1.4.1] Kosningar til formanns og stjórnar skulu vera leynilegar og skriflegar nema frambjóðendur séu jafn margir og kjósa skal. Kosning skal vera bundin við þá sem gefið hafa kost á sér og er atkvæði aðeins gilt ef kosnir eru jafn margir og kjósa á.

[áður gr. 1.2.4] Fáí fleiri en þeir, sem kjósa á, jafnmörg atkvæði, skal kjósa um þá á ný bundinni kosningu. Verði þeir enn jafnir ræður hlutkesti.

1.4.7 Aukabing [áður gr. 1.2.5]

Aukabing skal halda þegar einn þriðji sambandsaðila óskar þess eða stjórn LH telur það nauðsynlegt.

Alla boðunar- og tilkynningarfresti til aukabings má hafa styttri en til reglulegs þings, þó ekki skemmri en 10 daga.



Fulltrúar á aukapingi eru þeir sömu og voru á næsta reglulega þingi á undan og gilda sömu kjörbréf. Þó má kjósa að nýju í stað fulltrúa sem hættur er í félaginu eða forfallast á annan hátt.

Á aukapingi má ekki kjósa stjórn, nema bráðabirgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum. Að öðru leyti gilda um það sömu reglur og um reglulegt landsþing.

1.5 Formannafundur aðildafélaga [áður gr. 1.3]

1.5.1 Boðun formannfunda [áður gr. 1.3.1]

Stjórn LH skal boða til formannafundar í október eða nóvember, árið milli landsþinga. Formannafundur skal boða með minnst mánaðar fyrirvara. Dagskrá skal kynnt eigi síðar en tveimur vikum fyrir fund.

1.5.2 Hlutverk og seturéttur [áður gr. 1.3.2]

Formannafundur er ráðgefandi fyrir stjórn LH. Seturétt eiga eftirtaldir:

- Stjórn og varastjórn LH
- Formaður og tveir fulltrúar /fulltrúi allra aðildarfélaga LH
- Formaður/fulltrúi starfsnefnda LH
- Formaður/fulltrúi Gæðingadómarafélagsins, Hestaíþróttadómarafélagsins, og Járningamannafélags Íslands og Félags tamningamanna

Skylt er að boða til formannafundar ef helmingur formanna aðildarfélaganna óskar þess skriflega.

1.5.2 Dagskrá formannafundar [áður gr. 1.3.3]

Formannafundir fjalla meðal annars um:

- Málefni LH milli landsþinga
- Reikninga síðastliðins rekstrarárs
- 8 mánaða uppgjör reikninga ársins
- Endurskoðaða rekstraráætlun og rekstraráætlun næsta árs
- Skýrslur stjórnar og starfsnefnda

Á formannafundum má ekki gera breytingar á lögum LH né kjósa stjórn.

1.6 Stjórn [áður gr. 1.4]

Stjórn LH fer með æðsta vald í málefnum sambandsins milli þinga. Stjórnin skal skipuð sjö mönnum, formanni, varaformanni, ritara, gjaldkera og þremur meðstjórnendum. Varastjórn skal skipuð fimm mönnum og taka þeir sæti í aðalstjórn í samræmi við atkvæðahlutfall. Kjörtímabil er til tveggja ára.

Stjórninni er heimilt að ráða launað starfsfólk. Sérstakan ráðningarsamning skal gera í hverju tilviki. ~~og skal hann ávallt vera tímabundinn.~~

Reikningsár LH er almanaksárið.

Stjórn LH skal að jafnaði funda mánaðarlega en er þó heimilt að fella niður fundi yfir sumarmánuði.

Formaður boðar stjórnarfundi og stýrir þeim. Skylt er að halda stjórnarfund ef þrjú stjórnarmenn óska



Þess. Ef aðalmaður getur ekki mætt skal kalla varamann í hans stað. Stjórnarfundur er lögmætur ef fjórir stjórnarmenn eru mættir, þar af formaður eða varaformaður.

Einfaldur meirihluti atkvæða ræður úrslitum á stjórnarfundum. Verði atkvæði jöfn, ræður atkvæði formanns.

Framkvæmdastjóri skal sitja stjórnarfundum með málfrelsi og tillögurétt. Einnig geta aðrir starfsmenn LH setið stjórnarfundum eftir ákvörðunum stjórnar.

Stjórnarmenn skulu víkja sæti ef fjallað er um málefni sem valda því að draga megi óhlutrægni þeirra með réttu í efa.

Fundargerðir stjórnar skal birta á heimasíðu LH.

Stjórn LH skal setja sér starfsreglur, m.a. um ákvarðanatöku, boðun og stjórnun funda.

[áður í gr. 1.4.1] Á fyrsta stjórnarfundum að afloknu landsþingi LH skal stjórn LH skipta með sér verkum, kjósa varaformann, ritara og gjaldkera úr hópi stjórnarmanna.

1.6.1 Starfssvið stjórnar [áður gr. 1.4.2]

Starfssvið stjórnar LH er meðal annars að:

- Framkvæma ályktanir landsþingsins
- Fylgja eftir framtíðarsýn ályktunum formannafunda
- Sjá um að samdar séu leikreglur og reglugerðir um keppni ofl. og annast birtingu þeirra
- Uppfæra lög, reglur og reglugerðir í samræmi við samþykktar breytingar landsþings og eftir atvikum í samræmi við breytingar á alþjóðareglum sem LH er bundið af
- Senda ÍSÍ lögboðnar skýrslur og tilkynningar
- Birta aðildarfélögum fundargerðir stjórnar LH
- Líta eftir því að lög, reglur og reglugerðir LH séu haldin og skal stjórn LH heimilt að vísa málum til Úrskurðar- og aganefndar LH vegna brota á lögum, reglum og reglugerðum LH í allt að 1-ár 12 vikur frá því að atvik átti sér stað eða frá lokum þess móts sem við á
- Staðfesta met
- Koma fram erlendis fyrir hönd hestaíþróttarinnar í landinu
- Skipa nefndir skv. grein 1.6.2 og hafa eftirlit með störfum þeirra

1.6.2 Stjórnskipaðar nefndir [áður gr. 1.4.3]

Á fyrstu stjórnarfundum eftir landsþing skipar stjórnin í eftirfarandi fastanefndir, sem hver skal skipuð a.m.k. þremur mönnum (sjá nánar skipurit og reglugerðir nefnda). Hlutverk nefndanna er að vinna með stjórninni milli þinga að þeim málefnum sem hverri nefnd tilheyrir og jafnframt leyfa umsagnir fagaðila:

- Úrskurðar- og aganefnd
- Dómaranefnd
- Ferða- Reiðvega- og samgöngunefnd



- Keppnisnefnd
- Laganefnd
- Landsliðs- og afreksnefnd
- Mannvirkjanefnd
- Menntanefnd
- Æskulýðsnefnd

Aðrar nefndir ef stjórnin telur þörf á. Stjórn LH setur nefndum starfsreglur.

1.7 Fjármál [áður gr. 1.5]

1.7.1 Tekjur og gjöld LH [áður gr. 1.5.1]

Tekjur LH eru:

- Fjárframlög frá ÍSí.
- Árgjald fyrir hvern skráðan félagsmann í hestamannafélagi innan LH. Fjárhæð árgjaldsins skal ákveðin á hverju landsþingi en innheimta þess miðast við félagatal í starfsskýrsluskilum, 15. apríl ~~janúar~~ þess árs sem gjaldið er innheimt fyrir. Gjald dagar árgjalds skal skulu vera ~~tveir, 15. maí og 15. september~~ 1. júní ár hvert. ~~Dráttarvextir skulu reiknast 30 dögum eftir gjalddaga.~~
- Fjárframlög opinberra aðila.
- Fjárframlög fyrirtækja, einstaklinga og stofnana.
- Aðrar tekjur.

Gjöld LH afmarkast af:

- Fjárhagsáætlun
- Samþykktum stjórnar

[ný grein]

1.8 Keppni í hestaíþróttum

Um keppni í hestaíþróttum gilda lög, reglugerðir og reglur LH, reglur alþjóðasamtaka FEIF og eftir því sem við á lög og reglur ÍSí. Ísland hefur verið aðili að alþjóðasamtökum FEIF frá 1969 og hefur líkt og önnur aðildarfélög FEIF skuldbundið sig til að hlíta lögum og reglum FEIF við framkvæmd íþróttakeppni í hestaíþróttum.

[áður gr. 3.1 í reglugerð um almenn ákvæði fyrir gæðingakeppni, íþróttakeppni og kappreiðar]



Keppnistímabilið er almanaksárið. Keppnistímabil í reglum þessum þýðir hvert byrjað keppnistímabil þar sem það á við. Aðeins félagsmönnum hestamannafélaga á Íslandi er heimil þátttaka í opinberum mótum innan vébanda ÍSí. Keppnisrétt öðlast íþróttamenn er þeir hafa verið **einn mánuð skráðir** á félagaskrá hlutaðeigandi hestamannafélags.

[ný grein]

1.9 Reglur um úrlausn ágreiningsmála

Yfirdómnefnd, Úrskurðar- og aganefnd og Dómstólar ÍSí skulu hafa lögsögu vegna allra brota á lögum og reglum LH og skulu ákvarðanir þeirra vera endanlegar að því marki sem valdsvið þeirra nær.

Enginn sá sem hefur einhver tengsl eða hefur einhverra hagsmuna að gæta, skal taka þátt í ákvarðanatöku varðandi úrskurðar- eða agamál.

[Áður gr. 2.8.8 í agareglum] Sjái Yfirdómnefnd eða Úrskurðar- og aganefnd ástæðu til að kalla börn eða unglinga fyrir sig, vegna meintra brota á lögum og reglum LH, skal hún jafnframt kalla til sín foreldra eða forráðamann viðkomandi, þeim til halds og trausts.

1.9.1 Yfirdómnefnd

Á öllum mótum starfar yfirdómnefnd sem ákvarðar um brot á reglum og reglugerðum LH. Yfirdómnefnd starfar samkvæmt reglum um yfirdómnefnd [gr. 1.1 (Yfirdómnefnd) í reglum um Úrskurðarnefndir og dómstól ÍSí. Um skipan yfirdómnefndar, frest til að leggja fram kæru, framkvæmd og meðferð kærumála og heimild til að skjóta ákvörðunum yfirdómnefndar til Úrskurðar- og aganefndar vísast til greinar 1.1 (Yfirdómnefnd) í reglum um Úrskurðarnefndir og dómstól ÍSí.

Stjórn LH er heimilt að setja reglur um Yfirdómnefnd þar sem nánar er kveðið á um málsmeðferð fyrir yfirdómnefnd.

1.9.2 Úrskurðar- og aganefnd

Úrskurðar- og aganefnd LH skal skipuð þremur aðalmönnum og tveimur til vara. Formaður skal vera löglærður. Stjórn skipar nefndamenn að loknu landsþingi til tveggja ára í senn.

Nefndin starfar samkvæmt úrskurðar- og agareglum LH og skulu a. m. k. þrír nefndarmenn taka þátt í ákvörðun nefndarinnar og skal a. m. k. einn þeirra vera formaður eða varaformaður.

Úrskurðar- og aganefnd úrskurðar um brot á lögum þessum, reglugerðum og reglum LH og ákvarðar viðurlög, í samræmi við reglur Úrskurðar- og aganefndar. Einnig er heimilt að kæra til Úrskurðar- og aganefndar ákvarðanir yfirdómnefndar, að því marki sem þær eru ekki háðar endanlegu ákvörðunarvaldi Yfirdómnefndar.

Um hæfi þeirra sem skipa Úrskurðar- og aganefnd skal farið eftir hæfisreglum stjórnarsýslulaga. Þeir sem skipaðir eru í Úrskurðar- og aganefnd skulu ekki sitja í stjórn LH.

Stjórn LH er heimilt að skjóta til Úrskurðar- aganefndar öllum málum sem varðar brot á lögum LH, og reglugerðum og reglum sem settar eru með stoð í lögum LH. Sé nefndarmaður í Úrskurðar- og aganefnd



jafnframt stjórnarmaður í aðildarfélagi LH skal hann víkja sæti við meðferð máls sem snertir félagsmann þess félags.

Stjórn LH er heimilt að setja nánari reglur um Úrskurðar- og aganefnd LH, þar sem nánar er kveðið á um málsmeðferð, verkefni, kærumálskostnað og starf nefndarinnar.

Ákvarðanir Úrskurðar- og aganefndar eru kærnanlegar til Dómstóls ÍSÍ.

1.9.3 Dómstólar ÍSÍ [áður gr. 1.6.1]

Dómstólar ÍSÍ hafa fullnaðarlögsögu í málefnum sem upp kunna að koma innan LH. Dómstólarnir starfa skv. lögum um dómstóla Íþróttá- og Ólympíusambands Íslands.

1.10 Ýmislegt [áður gr. 1.6]

~~[áður gr. 1.6.2 Aðgengi stjórnar að mótum]~~

~~Stjórn LH hefur frjálsan aðgang að öllum hestamannamótum og sýningum sem fram fara innan vébanda sambandsins.~~

1.10.1 Kjör heiðursfélaga [áður gr. 1.6.3]

Heiðursfélaga LH má stjórn kjósa ef hún er einhuga um það.

1.10.2 Að leggja samtökin niður [áður gr. 1.6.4]

Tillögur um að leggja LH niður má aðeins taka fyrir á lögmætu landsþingi. Til þess að samþykkja þá tillögu þurfa minnst 3/4 viðstaddra atkvæðisbærra fulltrúa að greiða henni atkvæði.

Hafi slík tillaga verið samþykkt skal gera öllum sambandsaðilum grein fyrir henni í þinggerðinni og tillagan látin ganga til næsta reglulega þings. Verði tillagan samþykkt aftur er það fullgild ákvörðun um að leggja LH niður. Skal þá afhenda ÍSÍ eignir þess til varðveislu.

1.10.3 Gildistaka [áður gr. 1.6.5]

Lög þessi öðlast þegar gildi en jafnframt er nauðsynlegt að leggja þau fyrir framkvæmdastjórn ÍSÍ til staðfestingar, sbr. lög ÍSÍ.

[Ný málsgrein]

1.10.4 Breyting á lögum þessum, reglum og reglugerðum

Lögum LH verður aðeins breytt á landsþingi samkvæmt reglum þar um, einnig er ávallt heimilt á landsþingi að breyta þeim reglum og reglugerðum sem settar eru með stoð í lögum LH, enda fylgi slíkar breytingartillögur lögum LH.

Allar breytingar á lögum, reglum og reglugerðum skulu birtar á vef LH. Stjórn LH ber ábyrgð á því að kynna þær breytingar sem gerðar eru á lögum, reglum og reglugerðum hverju sinni.



Stjórn LH er heimilt á milli landsþinga að breyta reglum og reglugerðum um keppni í hestaíþróttum í samræmi við tillögur keppnisnefndar LH. Þá er stjórn LH ávallt heimilt að uppfæra reglur um íþróttakeppni og almennar reglur um keppni í samræmi við birtar breytingar á alþjóðareglum FEIF.

Reglugerð eða reglur stjórnar LH, sem samþykktar eru af stjórn sambandsins með heimild í gr. 1.10.4 laga þessara, og innihalda ákvæði sem leggja fjárhagslegar kvaðir á aðildarfélög, skulu ekki taka gildi fyrr en að fengnu samþykki landsþings.